

Uunga siunnersuut:**SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaata allanngortinneqarnera pillugu Inatsisartut inatsisaat****§ 1**

SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaanni nr. 17, 3. juni 2015-imeersumi tulluittunik allanngortitsisoqarpoq:

1. Najoqqutassap *qulequtaa* imatut oqaasertalerneqarpoq:

”Sikuki Ports A/S pillugu Inatsisartut inatsisaat”.

2. § 1, *imm. 2* imatut oqaasertalerneqarpoq:

”*Imm. 2.* Ingerlatseqatigiiffiup aqqa tassaavoq Sikuki Ports A/S. Ingerlatseqatigiiffik taaguutini atorlugu suliaminik saniatigut ingerlatsisinnaavoq.”

3. § 1, *imm. 4* imatut oqaasertalerneqarpoq:

”*Imm. 4.* Ingerlatseqatigiiffiup siunertaraa niuernermik tunngaveqartumik Kalaallit Nunaanni umiarsualivinnik nunami sanaartukkanik ilaqartunik illuuteqartunillu taassumunngalu assingusumik suliffeqarfittaqartumik sanaartornissaq, piginnittuunissaq ingerlatsinissarlu.”

4. § 4 kingorna *qulequtaq* imatut allanngortinneqarpoq:

”*Sanaartukkat*”

5. § 5, *imm. 1*, imatut oqaasertalerneqarpoq:

”Sikuki Nuuk Harbour A/S-ip Nuummi umiarsualivissap nutaap pilersaarusiorneqarnera sananeqarneralu isumagissavaa. Umiarsualivik nutaaq Umiarsualiviup qeqertaani sananeqassaaq.”

6. § 5, *imm. 2-mi* oqaaseqatigiit *aappaat pingajuat sisamaallu* peerneqarput.

7. § 6 ima oqaasertalerneqarpoq:

“ § 6. Sikuki Ports A/S ingerlatseqatigiiffiup siunertaata iluani illuutininik sanaartorlunilu piginnittuusinnaavoq, tak. § 1, *imm. 4* aamma 5, matumanilu quersuaq, sannavik, allaffeqarfiit il.il. Illuutit umiarsualivimmilu nunaminertat umiarsualivinnik ingerlatsinermut atatillugu attartortinneqarsinnaapput.”

8. § 7, *imm. 1* imatut oqaasertalerneqarpoq:

“Naalakkersuisut nuna tamakkerlugu pilersaarusiornermi soqutigisanik isumaginninnermut ilaatillugu, Sikuki Ports A/S-ip Kalaallit Nunaanni umiarsualivinnik nutaanik

sanaartorneranut atatillugu kommunit sanaartorfigissaanermut aningaasartuutit aammalu akilernissai pillugit isumaqatigiissuteqarfigisinnavaa.

9. § 7, imm. 2 atorunnaarsinneqarpoq.

10. § 8 imatut oqaasertalerneqarpoq:

” § 8. Naalakkersuisut Sikuki Ports A/S-ip Kalaallit Nunaanni umiarsualivinnik nutaanik nunami sanaartugartaqartumik aamma illuutitaqartumik sanaartorneranut aalajangersakkat erseqqinnerusut pilersaarusiornermi nuna tamakkerlugu malitassani akuerisinnavaat.

Imm. 2. Naalakkersuisut pilersaarusiornermi nuna tamakkerlugu malitassat, sumiiffiup ilaata Sikuki Ports A/S-ip nutaanik umiarsualivinnik nunami sanaartugartaqartumik illuutitaqartunillu sananeranut atorneqarnissaanut sukumiisunik aalajangersagartaqartumik kiisalu ingerlatseqatigiiffiup umiarsualiviinik pioreersunnik nunami sanaartugartalinnik illuutitalinnillu annertusaanissamut aalajangiisinnapput, kommunimut pilersaarutitut inatsisitigut sunniuteqartussanik.”

11. § 10 imatut oqaasertalerneqarpoq:

“ § 10. Sikuki Ports A/S siunertaminut tunngasunik aningaasalersuinissamut attartugaqarsinnaavoq, tak. § 1 imm. 4 aamma 5.”

12. § 11 ima oqaasertalerneqarpoq:

” § 11. Allagaatit, taarsigassarsinermut uppersaasatit, pappialanngortitat aamma uppersaasatit atsiukkat il.il. Sikuki Ports A/S-ip sanaartornermut inatsimmi matumani pineqartumut atatillugu suliarineqartut, pisortanut naqissusiinermut akitsuusiinikkut akileraaruserneqassanngillat.”

§ 2

Inatsisartut inatsisaat ulloq 1. januar 2026 atuutilerpoq.

Namminersorlutik Oqartussat, ulloq x. xx xxx

Jens-Frederik Nielsen
Naalakkersuisut Siulittaasuut